



急就篇注叙



秘書監弘文館學士上護軍琅邪縣開國子顏師古撰

急就篇者其源出於小學家昔在周宣粵有史

籀音演暢古文初著大篆秦兼天下罷黜異書

丞相李斯又撰蒼頡中車府令趙高繼造爰歷

太史令胡毋音敬音作博學篇皆所以啓導青衿

垂法錦帶也逮至炎漢司馬相如作凡將篇俾

效書寫多所載述務適時要史游景慕擬而廣

之元成之間列於祕府雖復文非清靡義闕經
綸至於包括品類錯綜古今詳其意趣七句實
有可觀者焉然而時代遷革亟經喪亂傳寫湮
訛避諱改易漸就蕪舛莫能釐正少者闕而不
備多者妄有增益人用已私流宕徒浪忘返至
如蓬門野賤窮鄉幼學遙相承稟猶競習之既
無良師祇增僻謬若夫縉紳秀彥膏梁子弟謂
之鄙俚耻於窺涉遂使博聞之說廢而弗明備

物之方於茲寢滯師古家傳蒼雅廣綜流略尤
精訓故待問質疑事非稽考不妄談說必則古

昔信而有徵先君

師古父
思魯

常歆注釋急就以貽

後學雅志未申昊天不弔奉遵遺範永懷罔極
舊得皇象鍾繇衛夫人王羲之等所書篇本備
加詳覈足以審定凡三十二章究其真實又見

崔浩及劉芳所注

後魏太宗元年敕崔浩解人
劉芳續注音義證三卷

心不同未云善也遂因暇日爲之解訓皆據經

籍遺文先達舊旨非率愚管斐然妄作字有難
識隨而音之別理兼通亦即並載可以祛發未
寤矯正前失振幽翳之學攄制述之意庶將來
君子裁其衷焉

急就篇



漢黃門令史游



唐秘書監顏師古註

每標章首以字數為斷者蓋取其程課學僮
簡牘為便也是以前之卒章或與後句相躡
游元帝時人也見漢書
藝文志黃門令屬少府

急就奇觚與衆異

觚者學書之牘或以記事削木為之蓋簡屬
也孔子歎觚即此之謂其形或六面或八面
皆可書觚者稜也以有稜角故謂之觚言學
僮急當就此奇好之觚其中深博與衆書有

異也班固兩都賦曰上觚稜而棲金爵今俗猶呼小兒學書簡爲木觚章蓋古之遺語也

羅列諸物名姓字

言此衆章列叙萬物之名及人姓字

分別部居不雜廁

前後之次以類相從種別區分不相間錯也

用日約少誠快意

以其詳悉多所該備不費功日而心意開了故云快意也禮學記曰師逸而功倍

勉力務之必有喜

勉令勤習以致業藝則能顯達可好喜也

請道其章

叙致已訖乃說之也

宋延年

微子紂之庶兄周武王克商封之於宋其後或以國爲姓遂有宋氏延年之義取於壽考無疆也漢有李延年杜延年田延年篇首廣陳諸姓及名字者以示學徒令其識習擬施用也自此以下器用物務次叙皆同而說者乃云是當時弟子名姓又云是古賢聖之人本出易緯史游重述此說皆非也姓者並是古來所有非妄造之名字或是舊人已經稱

用或是新構義理然非實相配屬真有其人所以章中自云姓名訖請言物又云諸物訖五官出以此求之其意可曉至如雜寶竒繒殊俗異服及疾病刑獄官曹職務豈非當時庠校之內悉自有乎皆汎說耳易緯中頗有姓名與此同者蓋後人妄取以附著之非本聖人所說也先儒通論舊云緯書之作偽起哀平應劭撰風俗通亦多設人姓而爲章句偶讀斯效急就之爲也

鄭子方

鄭桓公友周厲王之子宣王母弟也宣王封之於鄭其後或以國爲氏宋有鄭翩即其族也子者男子美稱方者言其正直不回也

衛益壽

衛康叔周文王之子也周公既誅管蔡而封康叔爲衛侯其後亦因國爲氏益壽亦延年之義也

史步昌

史氏之先本周大夫史佚之後也周亦有史籀晉有史黯秦有史穎衛有史狗史籀其後並稱史氏此類甚多不可具載步昌言高步而昌盛也漢有李步昌

周千秋

周大夫周桓公宰周公周公忌父繼守官邑故有周氏周任之後亦爲周姓千秋亦歆長生

父視也漢有張千秋田千秋

趙孺卿

造父善御事周穆王穆王封之趙城其後因稱趙氏晉之趙夙即其苗裔遂蕃衍焉孺幼少之號也卿言可為列卿也漢有蘇賢字孺卿

爰展世

爰氏之先本與陳同姓陳申公生靜伯甫伯甫世孫爰諸生爰濤塗因而命氏其後或為轅字又作袁字本一族也漢有爰益展者伸也言子孫蟬聯不絕也或曰展誠也

高辟兵

齊大夫高倭者號高敬仲本齊之公族也其後遂稱高氏大為著姓又惠公之孫曰公孫竈亦稱高氏辟兵言能弭止兵戎也

鄧萬歲

鄧古國名本曼姓也其後稱鄧氏焉楚有鄧廖鄭有鄧析並其族也萬歲猶千秋耳

秦妙房

秦本地名後為國號因又命氏魯有秦董父秦丕茲秦造皆秦姓也妙謂德行高妙也房謂德之所聚也

郝利親

郝京兆蓋屋鄉名也因地以命氏焉漢有郝賢今蓋屋縣猶出郝姓利親言其善父母也

馮漢強

馮氏之先本歸姓也鄭大夫有馮簡子其後遂為大族漢強意在忠於本朝也

戴護郡

戴氏之先與宋同族宋戴公生公子文遂稱戴氏戴惡即其後也護郡言為太守若都尉

景君明

景氏楚之同族本芊姓也漢高祖用婁敬之計徙齊楚大族入關景氏亦遷名數今之好時鄭縣華陰諸景是也君明言有明德宜為列國諸侯也漢有京房字君明

董奉德

董氏之先本已姓也颺叔安之裔子曰董父能擾畜龍服事帝舜賜之姓曰董又周大夫辛有之二子適晉與籍氏俱董督晉之史籍因為董氏後孤董叔董安于皆其董也奉德言其奉持德義也一曰言有賢德人所戴奉也

桓賢良

宋桓公孫鱗矐為宋司徒號曰桓子因為氏焉向魍號桓司馬其後亦稱桓族賢良言可應賢良之舉也

任逢時

周文王母任氏之女此古姓也又有任國之君太皞之後本風姓也其後亦為任氏焉逢時言遇太平也漢有王逢時

侯仲郎

侯氏之先鄭大夫侯宣多侯羽之後也魯有侯叔夏侯犯齊有侯朝其後亦皆以為姓仲者次伯之下郎者可為郎官也

由廣國

戎人由余入秦為相其後遂稱由氏楚大夫王孫由于有忠勇之節楚人亦謂其族為由氏焉廣國言為本朝益土地也

榮惠常

周大夫有食采於榮者因而氏焉周書曰王俾榮伯作賄肅慎之命春秋稱天王榮叔來會國語云厲王悅榮夷公皆榮氏也魯有榮駕鸛楚有榮黃其後亦稱榮氏孔子所見營啓期泰山郎人也或謂之榮聲期啓聲相近故也漢有榮畜惠常言以仁惠為常也

烏承祿

齊大夫烏餘之後遂以為姓莒亦有烏存秦有力士曰烏獲承受之也

令狐橫

令狐晉地名也在河東大夫魏顆食邑於此號令狐顆因為氏焉橫充也大也

朱交便

舜臣朱武其後以為姓論語有逸民朱張春秋左氏傳齊有朱毛漢有朱家交便善與人交皆便安之也

孔何傷

孔氏之先與宋同祖閔公生弗父何何曾孫曰正考父考父生孔父嘉仲尼即其後也衛有大夫孔達孔烝鉏其後亦稱孔氏何傷言無所傷害也

師猛虎

師樂人無目者之稱也晉有師曠魯有師已鄭有師悝師蠲師觸其後皆以為姓以猛

獸為名尚其威也

石敢當

衛有石碣石買石惡鄭有石癸石楚石制皆為石氏周有石速齊有石之紛如其後亦以命族敢當言所當無敵也

所不侵

所所斫木聲也古有虞衡之官因主伐木遂以為姓漢有所忠武帝之近臣也不侵言其謹慤不為寇暴也春秋左氏傳曰不侵不畔之臣

龍未央

龍舜臣名命為納言者也其後遂以為姓又董父既賜姓曰董又易氏曰蔡龍其後亦為龍氏漢有龍德善鼓琴未央言益壽無極也

伊嬰齊

伊摯伊陟殷之卿宰其後遂為著姓漢有伊籍嬰齊謂嬰兒之繫齊者也魯有公孫嬰齊漢有南越王趙嬰齊

程回慶

程氏本齊翟僕新之後也魏有程璜程翦漢有程公程方進回慶者言福喜方來也

畢稚季

周文王之子有畢公高者其後以為姓晉之畢萬即此族焉稚季者言非長叔幼也漢有杜稚季

昭小兄

昭氏亦楚同姓共屈景為三族者也當戰國時有昭奚恤小兄言上有昆而下有弟也

柳堯舜

魯公子展之後也有展禽者食采於柳下之地因為柳氏焉堯舜言依唐虞二帝之則以自警也

樂禹湯

樂氏之先與宋同姓戴公生樂父行氏稱樂氏樂喜皆其後也楚有樂伯亦因得姓戰國時燕有樂毅樂間禹湯言欽夏殷兩王之美順其則也

淳于登

春秋淳于公如曹度其國老遂不復淳于之地即北海淳于縣是也後以國為姓戰國時齊有淳于髡秦始皇時有淳于越漢有淳于長

費通光

費氏楚大夫費無極之後也漢有費直通光猶言開明

柘溫舒

柘楚地名也後更為縣時屬淮陽國所居之人因而命氏溫舒言其溫裕而安舒漢有路溫舒

路政陽

路水名也又因為縣在涿郡界居者氏焉漢有路中大夫路溫舒政陽言其堪為政而有光陽也

霍聖宮

周文王之子有霍叔武者其國在河東今霍邑縣是也後嗣為晉獻公所滅子孫遂姓霍氏漢之霍去病霍光即河東人也聖宮言親聖人之奧秘若入其宮室也子贛曰譬之宮

牆夫子之牆數仞不得其門而入不見宗廟之美百官之富

顏文章

顏氏本出顓頊之後顓頊生老童老童生吳回為高辛火正是謂祝融祝融生陸終陸終生六子其五曰安是為曹姓周武王封其苗裔於邾為魯附庸在魯國鄒縣其後邾武公名夷父字曰顏故春秋公羊傳謂之顏公其後遂稱顏氏齊魯之間皆為盛族孔子弟子達者七十二人顏氏有八人馬四科之首回也標為德行韓子稱儒分為八而顏氏處其一焉漢有顏回顏異顏安樂以春秋名家文章言其文章也

管財智

管氏之先出自周文王以國命氏也齊有管至父管夷吾管于奚管脩因為著姓財智言富於財而又多智也

偏呂張

楚之軍帥使主偏者因以為姓也司馬法曰車十五乘曰偏春秋左氏傳曰廣有一卒卒偏之兩呂張言為心呂之臣可張大王室也昔者太岳為禹心呂之臣故封呂侯以譬身有脊呂骨也其為字象形非兩口也

魯賀喜

伯禽之後有悼公者為楚所滅子孫以國為氏賀喜言有喜而可賀也

觀宜王

觀夏之同姓諸侯也國滅之後因而氏焉晉有觀武楚有觀起觀從皆其胤也觀字或作灌斟灌亦夏時國名也其後為灌氏焉漢有灌嬰宜王言有益於王室者也

程忠信

程氏之先本重黎之後周有程伯休父因姓程焉晉有程鄭實佐下軍漢有程鄭臨邛富室忠信為周言不阿黨也

吳仲皇

周大王之子太伯始封於吳吳氏即其後也仲者次伯之下皇者正也大也

許終古

許氏許由之後也太嶽之胤有姜姓者封於許國其後為楚所滅末裔亦姓許晉有許偃鄭有許瑕楚有許伯亦稱許氏終古言不廢絕也漢有濟北思王終古

賈友倉

賈本姬姓國也晉吞滅之後稱賈氏晉有賈華賈佗賈伯賈辛皆其裔也友倉言慕倉舒進而友之

陳元始

舜後嫡滿周武王封之於陳其後為楚所滅子孫因姓陳焉元始長子之稱也

韓魏唐

周武王之子封於韓其後為晉所滅因稱韓氏晉大夫韓萬即其後也及三家篡晉侯王相襲故其宗黨分布四方或曰韓萬曲沃桓叔之子也晉滅韓令萬食其地焉因為韓氏魏唐取二國之地以為名也魏本姬姓亦為晉所滅其地即河東河北縣是也唐即晉地也故詩蟋蟀叙曰此晉也而謂之唐

液容調

上古道術之士善於鍊化能作液湯者後嗣因以液為姓容調者言其容止調和

柏杜楊

古帝有柏皇氏其後為柏氏焉一曰晉伯宗伯州犁之後古通用字柏與伯同故為柏氏魏有柏直漢有柏至杜楊以二木為名也杜其崇也杜者曰崇無子者也杜者曰杜有子者也楊一名蒲柳可以為矢

曹富貴

曹姓即陸終之子安所出也又周文王之子曰曹叔振鐸武王封之陶丘號曰曹伯其後為宋所滅亦為曹氏而齊有曹開亦稱曹族富貴言滿而不溢高而不危也

尹李桑

尹氏本周大夫也後官族李桑義與杜楊同

蕭彭祖

蕭氏本出殷之六族成王所用封伯禽也又有蕭國其君子姓宋之附庸為楚所滅亦稱蕭氏彭祖者追慕彭鏗尚其長年也漢有張彭祖嚴彭祖

屈宗談

屈氏之先楚同姓也屈賧屈重屈蕩屈建屈平皆其後焉宗談言有口辯為談者所宗也以談合桑古韻疏也

樊愛君

周大夫仲山甫宣王時為樊侯遂稱樊氏樊即其後也愛君言慕鬻拳之為人也

崔孝讓

崔齊邑名也丁公之子於此受封其後有崔天天之支庶苗裔盛焉孝讓言既有孝德又能克讓也

姚得賜

姚舜姓也陟方之後末嗣稱焉鄭有姚句耳漢有姚平得賜言多受君之寵錫也

燕楚莊

燕邵公奭本周之同姓其後以國為氏云楚莊言慕楚莊王也

薛勝客

有奚仲者為夏車正受封於薛後遷于邳而仲祖居薛為湯左相其後稱為薛侯及為楚所并餘族因號薛氏勝者克堪之義客者人禮敬之為上客也

聶干將

聶本地名因以為姓也春秋稱齊師宋師曹師次于聶北救邢韓有聶政漢有聶壹干將古之善劍一曰劍師名也

求男第

求氏本居衛國裘氏之地故稱裘焉後又轉為求字漢末有求仲即此族也男者以別女第者有兄之稱也

過說長

過者夏時國名因為姓也說長言常悅豫也

祝恭敬

祝氏鄭祝聃之後也又衛有祝後嗣傳職賢而有識亦稱祝氏恭敬謂不忘恭敬慕趙盾也

審母妨

審氏之先為周司空屬官主審曲面勢者也後因賜族漢有審食其母妨言勿有所妨害也

龐賞贛

龐者高屋之名龐氏之先貨產殷富好為室屋鄉黨榮慕謂之龐家遂以立氏魏有龐涓贛賜也賞贛義與得賜同

來士梁

來氏殷之別族本子姓士梁言為士君子之棟梁

成博好

成者周之采地鄉士所食成肅公簡公桓公是也故稱成氏焉又楚令尹子玉若敖孫也魏成得臣亦為成氏大心成熊皆其後也晉有成鱗成何何後奔燕宋有成謹秦有成差

並為成姓博大也

范建羌

陶唐氏之後在夏為御龍氏在商為豕韋氏在周為唐杜氏其後杜伯之孫曰士為為晉司空為子士穀亦繼其官為孫士會晉太傅食邑於范為范氏建羌言立功於西羌之地也

閻歡欣

閻者里中門也因其所居遂以為姓晉有閻嘉閻沒齊有閻職歡欣言得人之歡心

寧可忘

寧氏與秦同姓秦襄公曾孫謚曰寧公支庶因以爲氏一曰寧寧本一姓衛大夫寧俞之後也漢有寧成史記作寧成可忘言其善德不可忘也詩云有斐君子終不可諼予諼亦也忘

苟貞夫

苟草名也所居饒之因以命氏漢有苟賓河內人也今之河內猶有此姓焉一曰本晉大夫苟氏之後避難改族而稱苟云貞者言有歲寒之節夫者大夫之謂也

苗涉臧

苗賁皇本楚人後奔於晉其子孫遂爲苗氏王莽時有苗訢篇本苗字或作茅國名也周

公子所封其後因以爲氏又邾有茅地及茅夷鴻皆茅姓也涉臧言其所涉皆善道也一曰遇難逃禍涉水而藏匿也

田細兒

田氏之先職賦田者也因以爲姓晉有田蘇宋有田景又陳厲公之子完奔齊代爲卿佐遂篡齊國後自稱王又稱東帝其族亦爲田氏蓋以陳田聲相近云及爲秦所滅漢興徙田族於關中今之高陵櫟陽諸田是也細兒言小兒也

謝內黃

謝南方國名也周宣王后父申伯於此作邑其後以爲氏魯有謝息內黃言黃中通理也

一曰取縣為名也內黃屬魏郡

柴桂林

衛人高柴為孔子弟子後居於魯末裔以柴為姓漢有將軍柴武桂林者取其冬生不凋而衆盛之意

温直衡

温氏之先出自己姓又晉之郤至食邑河內之温號曰温季其後亦為温氏直衡言其正而平也

奚驕叔

奚仲既遷于邳其後遂稱奚氏漢有奚涓驕者父母愛而名之叔者伯仲之下也

邴勝箱

邴泰山下邑也居之者以為姓焉晉有邴豫邴師齊有邴歆邴夏邴意茲漢有邴丹勝箱言其堪任近侍在東西箱也一曰言能負重致遠以牛為喻也

雍弘敞

雍國名也在河內山陽文王之子所封其後以為姓又宋有雍氏本媯姓也鄭有雍糾齊有雍廩楚有雍子後入于晉其裔皆雍氏漢有雍齒弘敞言其大而高明也

劉若芳

劉氏之先與范氏同祖士會自秦歸于晉其族留秦不去者為劉氏又周之采地亦名為劉劉康公定公獻公皆王卿士也其後亦稱劉姓若芳言如蘭若之芬芳也若謂杜若芳草名也

毛遺羽

文王之子封於毛國其後以為姓焉又周之采地亦名為毛卿士所食毛伯衛毛伯過皆是也其後亦稱毛氏趙有毛遂漢有毛釋之遺羽自謙之稱言極輕賤也

馬牛羊

造父既封趙城其後稱馬氏蓋以善御馬云又趙將趙奢克敗秦師賜號馬服君其後亦

為馬姓牛羊者愛而諱之比之於畜產者也

尚次倩

呂望為周武王太師號尚又其後或以為姓次者長幼之第倩者青色而美也

丘則剛

陳有宛丘居之者以為姓又邾有丘弱後亦為丘氏則猶象也謂法象於天為剛德而不干時也

陰賓上

陰亦周之采地周大夫陰忌陰不佞陰里其後遂為姓焉賓上者見賓禮於君上取利用

賓于王之義

翠鴛鴦

翠氏楚景翠之後也避入關之遷懷土逃匿改姓為翠鴛鴦取匹鳥為名也

庶霸遂

庶氏之先本出衛之公族以非正嫡遂號庶氏禮記曰子思之母死於衛庶氏之女也及春秋邾庶其來奔其後亦為庶氏霸遂言能遂成霸功也

萬段卿

萬亦槁字槁者木名因樹以得姓也詩云槁維師氏謂女寵之族有姓槁者為師氏之官

也漢有萬章段卿者言其厚重如石之段可為卿也春秋鄭有印段字子石公孫段字伯石孫子曰如段之技卯如

泠幼功

泠人掌樂之官也因為姓焉黃帝時有泠倫周有泠州鳩秦有泠至漢有泠襄泠豐幼者少小之次功者言能立功也

武初昌

因為武

周大夫武氏子其後因為武姓陳勝之起也武臣自立為趙王項羽之客亦有武涉初昌者言始昌大也漢有夏侯始昌

褚回池

褚師官名也衛有褚師定子聲子及褚師圃其後因姓褚焉又周有褚氏之地居者亦因命族漢有褚大褚少孫回池猶類回字子淵之義也

蘭偉房

鄭穆公本因夢蘭而生故號公子蘭其後支庶或為蘭氏偉房言其器大衆藝所聚也

減罷軍

減氏之先為晉公族大夫驪姬之難晉廢公族因謂其人為減氏減者省也漢有減宣罷軍猶言偃武也一說久從戎役故疲勞也

橋竇陽

黃帝葬於橋山羣臣追慕守冢不去者因為橋氏漢有橋庇橋仁橋桃空穴曰竇牆南曰陽言若生於竇陽故為名也

原輔輻

周文王之子封為原伯其地今在河內於後為晉所滅遷之于冀因稱原氏而晉更以原封其大夫先軫故號原軫軫之苗裔亦姓原焉又周之未地亦名為原原莊公襄公皆食之也其後亦命族孔子之門有原憲原壤輔輻言若輻之輔車也

宣棄奴

周宣王中興國人美其德故支庶以為氏焉棄奴亦愛而諱之也

殷蒲息

微子本殷之族雖封於宋支庶或稱殷氏又殷水在潁川居之者亦以為姓秦有殷漢有殷仲蒲息言充蒲而蕃息也

充申屠

充氏古仙人充尚之後也申屠楚之官號若言司徒也又之信都古者申與信同屠都聲相近也漢有申屠嘉本此官之後也遂為姓韓信名信都亦有義今猶有申屠姓亦有信都

交脩俠

夏桀為湯所滅其族遂稱夏氏又陳宣公之孫叔之子號夏徵舒夏區夫皆其後也亦為夏氏脩俠言其脩行游俠之事也

公孫都

黃帝姓公孫氏支庶遂以為姓也又公子之子皆號公孫魯公孫敖鄭公孫闔齊公孫蠆晉公孫奄衛公孫朝凡此等類其後皆為姓矣略舉大綱不可具記漢有公孫賀都美稱也詩曰洵美且都又曰不見子都

慈仁他

慈氏本高陽氏才子之後也美其宣慈惠和因以為姓仁他者所愛及遠也

郭破胡

魏叔周王季之子也受封於魏其地今陝州陝縣是也後為晉所滅魏公魏奔周遂姓郭氏郭者魏聲之轉也又齊地有郭氏之墟蓋古國國滅之後亦為郭姓齊有郭榮此其族也破胡言能克匈奴

虞尊偃

帝舜之後或為虞姓又周大伯之弟仲雍魏曰虞仲嗣大伯之後武王克商封虞仲之庶孫為之後其地今在河東謂之虞公為晉所滅其後亦為虞氏尊偃偃仰自尊高也

憲義渠

憲氏之先本為周之布憲司寇之屬官也其後以為姓焉義渠國名也後為縣在北地以縣為名也

蔡游威

周蔡叔者文王之子為周公所誅而封其子仲於蔡是為蔡侯其後為楚所滅遂稱蔡氏游威威之遠揚也

左地餘

左丘明本魯之左史徒守其職遂為姓焉又楚左史倚相末裔亦為左氏地餘言土地有

餘封邑廣大也
漢有歐陽地餘

譚平定

譚小國也為齊所滅譚子奔莒因姓譚焉平定謂無憂虞也

孟伯徐

魯桓公子慶父之後號孟孫氏其後稱孟氏焉又衛侯之兄孟縶其後亦曰孟氏伯長也徐者舒緩之稱也

葛臧軻

夏時諸侯有葛伯者為湯所征遂失其國因稱葛氏又春秋時亦有葛嬴姓之國也其後

亦為葛氏臧軻言坎墮不平也蓋歆效孟子名軻字子居耳

敦倚蘇

敦氏秦文公時史敦之後也倚蘇言為萌庶所倚賴喜於耒蘇也

耿潘扈

耿地名也在河北祖乙所都舊居之者以為姓也又有耿國在平陽皮氏晉獻公滅之其後亦稱耿氏漢有耿壽昌潘水名也在滎陽扈廣大也言生此水土而廣大也

焦滅胡

武王克殷封神農之後於焦末葉因為焦氏又有姬姓小國亦謂之焦為晉所滅後稱焦

氏滅胡猶
言破胡也

晏奇能

齊有晏弱本齊之公族也號晏桓子桓子生
嬰曰晏平仲其後遂為晏氏又有晏圉晏父
戎晏釐皆其族也
奇能謂有異材也

邢麗奢

邢本姬姓之國周公之胤也為衛所
滅因稱邢氏麗奢言美而不陋也

邵守實

邵穆公周卿士也結守其職邵伯廖邵武公
皆其後也因為邵氏焉秦有邵平漢有邵信

臣守實謂篤於
言行不虛詭也

宰安期

宰氏周大夫宰孔之後也安
期取古人安期生之名也

俠却敵

俠氏韓相俠累之後也
却敵謂能折衝禦寇也

代焉于

代國名也在常山之北代王為趙襄子所滅
其遺族遂稱代氏焉安也于曲也焉于言
無所屈
撓也

司馬褻

程伯休父周宣王時有平徐方之功錫以官族為司馬氏其後有適晉者司馬侯司馬叔游司馬弼年司馬烏司馬寅皆是也項羽立司馬印為殷王漢司馬遷即其族也褻大也尚自於

前已有尚次倩今又言尚自於一姓再見也尚亦作掌蓋魯大夫黨氏之後也黨亦音掌自於猶言自益也

陶熊羆

陶唐氏之後或單稱陶又虞闕父為周陶正其後亦稱陶氏成王封康叔以殷人七族亦

有陶氏焉惟熊惟羆男子之祥故以為名

解莫如

解地名也在河東因地為姓故晉國多解氏焉解張解揚解狐皆其族也漢有解光解延年莫如言無有能如之者也漢有毛莫如

樂欣諧

樂氏亦再見也欣諧喜於和合也

童扶䟽

顓頊之子號老童者其後因以為姓扶䟽言衆而盛多也

痛無忌

痛氏本盛國之後實姬姓也周穆王嬖寵盛姬早死穆王哀痛不已加禮葬之遂改其族謂之痛氏無忌言無所避忌也古有僊人宋無忌

向夷吾

向者國名本姜姓也其後以為氏又宋之向氏與宋同姓桓公生向父盱遂為向氏向戌向儀向寧皆其後也夷吾欵效管仲之名也

閔并訢

閔氏之先本周之閔人閔所以止靡今之門楨是也職典其事遂為姓焉漢有閔孺并訢

言衆並訢喜也

竺諫朝

竺氏本天竺國人也未歸於漢而稱竺氏天竺即身毒也亦謂之捐毒漢有竺次者即其人焉云諫朝者言可備諍臣於朝廷者也以朝韻吾者古有此音蓋相通也班固幽通賦曰巨滔天而泯夏考邁愍以行謠終保已而貽則里上仁之所廬類此甚多不可具載

續增紀

續氏晉大夫續簡伯之後也號狐鞠居以食續地更為續氏增紀言高年也

遺失餘

遺氏本魯季氏家臣南遺之後也
失餘言所失之餘惟此一字也

姓名訖

所陳堪為姓名也
訖者其事略究也

請言物

次說雜物
并眾品也

錦繡縵純離雲爵

錦織絲為文也繡刺絲為文也縵無文之帛
也純謂刺也離雲言為雲氣離合之狀也爵
孔爵也言織刺此象以成錦繡繒帛之文也
自離雲爵以下至鳧翁濯其義皆同今時錦

繡綾羅及氍毹毼毼之屬摹寫諸物無不畢
備其來久矣一曰離謂長離也雲謂雲氣也
長離靈鳥名也作長
離雲氣孔爵之狀也

乘風縣鐘華洞樂

乘風一名爰居一名雜縣蓋海鳥也言為乘
風之狀作箕虞以懸鐘又為華藻之形兼列
眾樂之器以成文章也洞
猶通也言遍載其文絲也

豹首落莫兔雙鶴

豹首若今獸頭錦落莫謂文絲相連
又為兔及雙鶴之形也鳥二枚曰雙

春草雞翹鳧翁濯

春草象其初生纖麗之狀也雞翹雞尾之曲
垂也鳧者水中之鳥今所謂水鴨者也翁頭
上毛也既為春草雞翹之狀又象鳧在水中
引濯其翁也一曰春草雞翹鳧翁皆謂染彩
而色似之若今染家
言鴨頭綠翠毛碧云

鬱金半見緗白藹

自此以下皆言染繒之色也鬱金染黃也緗
淺黃也半見言在黃白之間其色半出不全
成也白藹謂白素之
精者其光藹藹然也

縹緜綠紈阜紫砥

縹青白色也緜蒼艾色也東海有草其名曰
蒺以染此色因名緜云綠青黃色也紈阜黑

色紫青赤也砥以石
輾繒色尤光澤也

烝栗緗緝縉紅絜

烝栗黃色若烝孰之栗也緗生白繒似緜而
疏者也一名鮮支緝青而赤色也縉淺赤色
也紅色赤而白也絜者紅色
之尤深言若火之然也

青綺綾縠靡潤鮮

青青色也綺即今之繒綾今之雜小綾也縠
今梁州白縠靡潤輕渙也鮮發明也言此繒
既有文絲而
又鮮潤也

縹絡縑練素帛蟬

綈厚繒之滑澤者也重三斤五兩今謂之平
綈綈即今之生繒也一曰今之綿綈是也
練之言兼也并絲而織甚緻密也練者煮練而
熟之也素謂綈之精白者即所用寫書之素
也帛總言諸繒也蟬謂繒之輕薄者若蟬翼
也一曰縑已練者呼為素帛若今言白練者
也

絳緹絳綈絲絮綿

絳赤色也古謂之縑緹黃赤色也抽引麤繭
緒紡而織之曰綈綈之尤麤者曰絳繭淨所
抽也抽引精繭出緒者曰絲漬繭擘之精者
為綿麤者為絮今則謂新者為綿故者為絮
古亦謂綿為績
績字或作統

帋敝囊橐不直錢

帋者帋殘之帛也敝敗衣也有底曰囊無底
曰橐言帋帛及敝敗囊橐無所堪任賣之不
售也

服瑣綸帶與繒連

服瑣細布織為連瑣之文也綸帶綉布之尤
精者也言此二種雖曰布類其質精好與繒
相連次也繒者帛之
摠名謂以絲織者也

貫貸賣買販肆便

貫賒也貸假與也出曰賣入曰買賤買而貴
賣之曰販肆謂坐市行列也言販賣及買皆

因市肆以
獲便宜也

資貨市贏匹幅全

市亦買也言以資財賄貨市取贏餘之物多
積布帛匹幅皆全無虧損也四丈曰匹兩邊
具曰幅

綌紵臬縕裹約纏

綌謂葛之麤者紵織紵為布及疏之屬也臬
麤麻也縕約猶束縛也言貧乏之人無好綿
帛但以此物自苞
裹纏束為衣被也

綸組緹綬以高遷

綸科青絲綬也組亦綬類也其小者以為冠
纓緹者綬之系也言其迎逆綬也綬者受也
所以承受環印也亦謂之綬秩命
不同則綵質各異故云以高遷

量犬尺寸斤兩銓

銓稱也言量布帛者則計其丈
尺及寸稱絲綿者則數其斤兩

取受付予相因緣

言以相付及受取領納皆緣丈尺斤兩以定
其數故得分明無虧失也予相授予也

稻黍秣稷粟麻紈

稻者有芒之穀摠名也亦呼為稌黍似稌而
黏可以為酒者也秣似粟而黏亦可為酒稷

粟一種但二名耳亦謂之粢麻謂大麻及胡麻也杭謂稻之不黏者以別於粳也杭字或梗作

餅餌麥飯并豆羹

漉麩而蒸熟之則為餅餅之言并也相合并也漉未而蒸之則為餌餌之言而也相黏而也麥飯磨麥合皮而炊之也并豆羹以泔米泔和小豆而煮之也一曰以小豆為羹不以醯酢其味純并故云并豆羹也麥飯豆羹皆野人農夫之食耳

葵韭葱薤蓼蘇薑

葵衛足之菜傾葉而蔽日者也韭之言久也一種久生葱青白雜色之名也薤一名鴻薤

蓼有數種葉長銳而薄生於水中者曰水蓼葉圓而厚生於澤中者曰澤蓼一名虞蓼亦謂之薔而許叔重云蓼一名薔虞非也蘇一名桂荏薑禦溼菜也辛而不葷故齊者不撤焉

蕪荑鹽豉醢酢醬

蕪荑無姑之實也無姑一名擇榆生於山中其莢圓厚剝取樹皮合漬而乾之成其辛味也爾雅曰無姑其實夷故謂之蕪荑也鹽生於鹹水者也古者風沙氏初煮海為鹽其後又出河東大鹵臨邛火井焉今則處處有之矣豉者幽豆而為之也醢酢亦一物二名也醬以豆合麩而為之也以肉曰醢以骨曰醬醬之為言將也食之有醬如軍之湏將取其

率領進導之
也一作漿

芸蒜薺芥菜萹香

芸即今芸蒿也生熟皆可嚼蒜大小蒜也皆
辛而葷薺芥菜也其實名薺芥亦有大小二
種菜萹似檉而大食者貴
其馨列故云菜萹香也

老菁藜荷冬日藏

菁蔓菁也一曰冥菁一曰蕪菁又曰芴菁藜
荷一名萹苴莖葉似薑其根香而脆可以爲
菹又辟蠱毒言秋種蔓菁至冬則老而
成就又收藜荷並蓄藏之以禦冬也

梨柿柰桃待露霜

言此四果皆得霜露之氣乃能成熟夏則待
露秋則待霜故摠云待露霜也梨一名山檮

棗杏瓜棣餼飴錫

因說衆果遂及口實也棣常棣也其子熟時
正赤色可嚼俗呼爲山櫻桃隴西人謂之棣
子餼之言散也熬稻米飯使發散也古謂之
張皇亦目其開張而大也以蘖消米取汁而
煎之溲弱者爲飴言其形怡怡然也厚強者
爲錫錫之爲言洋也取其洋洋然也

園菜果蔬助未糧

木實曰果草實曰蔬言園圃種菜及殖果蔬
貧者食之以免飢饉故云助未糧也

甘麩殊美奏諸君

其麩者糞麥為其粥也麩之言齧也謂齧爛也一日去者糗也麩糗聲相近實一物也今人通以熬米麥為之麩其麩者以密和糗故其味其也奏進也言此殊絕其美之食宜進之於君上

袍襦表裏曲領帶

長衣曰袍下至足附短衣曰襦自膝以上一日短而施要者襦衣外曰表內曰裏著曲領者所以禁中衣之領恐其上擁頸也其狀闊大而曲因以名云帶即裳也一名帔一日襪

襜褕袷復褶袴禪

襜褕直裾禪衣也謂之襜褕者取其襜褕而寬裕也衣裳施裏曰袷袴之綿曰復褶謂

重衣之最在上者也其形若袍短身而廣袖一曰左衽之袍也袴謂胫衣也大者謂之倒頓小者謂之夜行袴之兩股曰襜合襜謂之禪最親身者也

禪衣蔽膝布母縛

禪衣似深衣而褻大亦以其無裏故呼為禪衣蔽膝者於衣裳上著之以蔽前也一名鞞又曰鞞亦謂之蟾布母縛者蔽貉女子以布為脛空用絮補核狀如襜褕蔽貉者東北之夷也說者或云母縛布名非也

鍼縷補縫綻紕緣

鍼所以縫衣也縷線也備破謂之補縫解謂之綻納刺謂之紕純邊謂之緣

履馬鞞縠絨緞刺

單底謂之履或以絲為之復底而有木者謂之馬鞞生革之履也衷謂鞞之深大者也絨織絲為之一名車馬飾即今之織成也緞履跟之帖也絨緞以絨為緞也刺緣履之圓條也賈誼諫曰今人賣僮僕者為之繡衣絲履徧諸緣又曰美者黼繡度人之妾以緣其履是則古之履飾通用紉之屬也一日刺者屬五絲而為之若今之刺繡鞞矣

鞞鞞印角褐鞞巾

鞞謂韋履頭深而允平底者也今俗呼謂之跣子鞞薄韋小履也印角履上施也形若今之木履而下有齒焉欲其下不蹶當印其角舉足乃行因為名也褐織毛為衣也或曰麤

裳韋不借為牧人

衣也韋足衣也一日褐謂編象為鞞也巾者一幅之中所以裹頭也一日裹足之中若今人褻足布也裳韋不借為牧人韋柔皮也裳韋以韋為裳也不借者小履也以麻為之其賤易得人各自有不須假借因為名也言著韋裳及不借者卑賤之服便易於事宜以牧牛羊也

完堅耐事踰比倫

耐堪任也比例也倫類也言著此衣履屨者必須完全堅韌堪任事務經歷長久乃得踰於等類不破壞也

屨屨繫麤羸窳窳

屨者以木為之而施兩齒所以踐泥屨即今之鞋也繫圓頭掩上之履也麤羸者麻象雜履之名

也南楚江淮之間通謂之麤羸羸困弱也宴無禮者也貧無財者也言羸宴貧人無有華飾也旃裘鞞鞞蠻夷民

鞞鞞胡履之缺前雍者也言蠻夷之人唯以氈為裘而足著鞞鞞也今西羌其服尚然去俗歸義來附親

去其本俗歸於德義附化而親近也

譯導贊拜稱妾臣

譯傳言也導引也贊見也始來歸義言語未通必須傳譯導引進見而拜依臣妾之禮也一日贊助也謂譯導者佐助之也

戎伯總閱什伍鄰

戎謂編士卒之列也百人為伯則置長以總統閱視之也五人為伍二伍為什五家為鄰又依此法各有部署安居服役皆遵制命無乖刺也篇本伯字或作貉貉即上葺貉之類者也言戎貉者廣說四夷也

稟食縣官帶金銀

稟食縣官官給其食也帶金銀者或得封侯或受職任皆佩印也

鐵鈇鑽錐釜鍍鍪

因說金銀遂陳用器也鐵鈇以鐵為莖刃也一曰以鐵為椹也錐所以刺入也鑽所以穿

通也釜所以炊煮也大者曰釜小者曰釜北
燕朝鮮冽水之間謂之鉶釜似釜而反脣一
曰釜者小釜類即今
所謂鍋也亦曰鉶釜

鍛鑄鉛錫銓錠鏃

凡金鐵之屬椎打而成器者謂之鍛銷治而
成者謂之鑄鉛青金也錫一名錫在銀鉛之
間即金白鑽也銓所以盛膏夜然燎者也其
形若杆而中施銓有柎者曰銓無柎者曰錠
柎謂下施足也銓謂鏃
斗溫器也似銓而無綠

鈐鑿鈎銓斧鑿鉏

鈐鑿大犁之鐵鈎即鎌也形曲如鈎因以名
云亦謂之鉶銓刈黍短鎌也斧所以伐木也

鑿所以穿木也鉏去
草之具也一名茲基

銅鍾鼎銓銷鉞鈇

銅鍾以銅為鍾酒器也鼎三足兩耳爨器
也銓溫器圓而直上也銓字或作鉶鉶似鍾
而長頸也銷亦溫
器也鉞系而提之鉞

釭鋼鍵鈇冶鋼鑄

釭車轂中鐵也鋼軸上鐵也施釭鋼者所以
護軸使不相摩鑿也鍵以鐵有所豎關若門
壯之屬也鈇以鐵有所鑷取也冶銷金鐵之
鑪也鋼者鑄而補塞之令其堅固也鑄者以
鐵有所輔助若
橋梁之形也

竹器簞笠篋篋篋

竹器搃言織竹為器也簞笠皆所以禦雨也
大而有把手執以行謂之簞笠小而無把手戴
以行謂之笠虞卿躡屩擔簞即謂此也織竹
為席謂之篋織葦而麤文者篋篋也

篋篋篋篋篋篋

篋篋皆所以盛米穀也物所屯聚也織草而
之則為篋篋之言也物所屯聚也織草而
為之則曰篋取其圓團之然也竹器之盛飯
者大曰篋小曰篋篋一名箝受五升器一曰篋
者織竹之與也篋炊之漉未篋也或謂之縮
或謂之篋或謂之篋算蔽醜底者也其字從
畀篋一名篋盛杯器也亦
以為薰籠楚人謂之牆居

篋篋篋篋篋篋

篋所以籬去麤細者也今謂之篩大者曰篋
小者曰篋其字從卑篋可以數揚及去糞帚
所以掃刷古者杜康作篋帚篋亦篋屬也篋
圓而篋方篋長筍也言其狹長篋篋然也篋
者疏目之篋亦言
其孔樓樓然也

櫛杆槃案杯間盃

櫛小桶也所以盛鹽豉杆盛飯之器也一曰
齊人謂盤為杆無足曰盤有足曰案所以陳舉
食也杯飲器也一名盃間大杯也盃
似盃而深長盃字或作椀其音則同

蠡升參升半卮觥

蠡升參升半卮觥

蠡升耳參升亦以其受多者因以為名猶今人言
五升之半謂二升五合也此二者皆瑩壺之
類也卮飲酒圓器也觥謂解之小者行禮飲
也酒角

樽榼柶櫛七箸簣

榼小卮也上有蓋榼盛酒之器其形榼然
也柶圓榼也一曰厚榼也櫛七匙也亦謂之
柶箸一名挾所以挾食
也簣盛已箸之籠也

執缶盆盞甕瑩壺

執小口罍也缶盆盞一類耳缶即盞也大腹
而飲口盆則飲底而寬上缶字或作執執甕

小罍也甕謂盛酒漿米粟之甕也瑩
長頸餅也壺圓器也腹大而頸

甗甗甗甗甗甗

甗一名甗亦謂之甗又呼為鈔甗大盆也甗
甗瓦杆也其形大口而庫一曰甗小盆也甗
短頭長身之瑩也甗甗之大腹者也
盧小甗今之作盧酒者取名於此

纍緇繩索絞紡纆

纍大索也緇汲索也一名纆繩謂紂兩股以
上摠而合之者也索總謂切撚之令緊者也
一曰麻絲曰繩草謂之索絞即糾也紡謂紡
切麻絲之屬為纆縷也已紡而成謂之紗

簡札檢署斬牘家

竹簡以為書牒也。札者木牒，亦所以禁書之也。檢之言禁也。削木施於物上，所以禁閉之。使不得輒開露也。署謂題書其檢上也。槩板之長三尺者，亦可書。謂之槩者，言其修長，漸漸然也。牘，木簡也。既可以書，又執之以進，見於尊者，形若今之木笏，但不挫其角耳。家謂之夾膝。

板柞所產谷口斜

板謂木瓦也。柞，屋棧也。亦謂之箕谷口。在北即今之雲陽治谷是也。斜口在南山，今斜谷。是也。言二處皆足林木，板柞從之而出，生也。一曰谷口不出板柞，而言谷口斜者，止謂斜谷之口也。陽陵朱安世曰：斜谷之木不足為我械。

水蟲科斗蠃蟻

水蟲，摠言在水之蟲也。科斗，一名活東，亦曰活師，即蝦蟇所生子也。未成，蝦蟇之時，身及頭並圓而尾長，漸乃變耳。蠃，一名螻，烟色，青小形而長，股蝦蟇，一名螿，大腹而短脚。

鯉鮒蟹鱖魚鮑魚

鯉，即今之鯉魚也。今之鱖魚也。亦呼為鯽蟹。八足，二螿，旁行，鱖似蛇。鮑，海魚也。鮑亦海魚。加之，以鹽而不乾者也。鮑謂今之海蝦，堪為鮑脯及所呼鮑米者。又所在水中，小鮑可生。嚼若燭而食之，皆是也。鮑之大者為鮑。

妻婦聘嫁齋媵僮

妻者齊夫之名婦者服事舅姑之稱聘謂因媒而問也嫁謂自家而往適人也齋者將持而遣之也媵送女也僮謂僕使之未冠笄者也言婦人初嫁其父母以僕妾財物將送之也

奴婢私髹枕牀杠

奴婢男女賤者之稱也髹附著之義也私髹者言屬著私家非給公役者枕所以支頭也牀所以坐卧也杠者牀之橫木也亦謂之兆

蒲蒻蘭席帳帷幢

蒲蒻謂蒲之柔弱者也蘭草名也亦莞之類也蒲蒻可以為薦蘭草可以為席自上而下覆

謂之帳帳者張也在旁蔽繞謂之帷帷者圍也形如車蓋者謂之幢言其童童然也

承塵戶幪條績總

承塵施於牀上以承塵土因為名也戶幪戶上之幔也字或作簾條一名偏諸織絲縷為之所以懸係承塵戶幪因為飾也績亦條組之屬也似纂而色赤總以絲縷為之所以束髮也一曰絨屬也所以緣飾衣裳也字或作縱音義皆同

鏡斂䟽比各異工

鏡斂盛鏡之器若今鏡匣也櫛之小而麤所以理鬢者謂之䟽言其齒稀䟽也小而細所以去蟣蝨者謂之比言其齒密比也皆因其體而立名也各異工者言施用不同廢一不

也

芬薰脂粉膏澤簞

芬者蘊揉其質以為香也薰者燒取其煙以為香也一曰芬薰揔舉香草之大稱也脂謂面粉及唇脂皆以柔滑膩理也粉謂鉛粉及米粉皆以傳面取光潔也言分也研使分散也膏澤者雜聚取衆芳以膏煎之乃用塗髮使潤澤也簞者本用竹簞其後轉用金玉雜物寫竹狀而為之皆所以盛膏澤者也

沐浴揃搨寡合同

濯髮曰沐浴身曰浴揃搨謂鬚髮眉髮也蓋去其不齊整者寡少也寡合同者言其妍澣

少對偶也

襍飾刻畫無等雙

襍飾盛服飾也刻畫裁製奇巧也無等雙亦名殊絕異於衆也

係臂琅玕虎魄龍

琅玕大齊珠也一曰石之似珠者也言以虎魄為龍并取琅玕係著臂肘取其媚好且珍貴也篇本龍字或作壘字蓋謂以玉為龍者也

璧碧珠璣玫瑰瓊

璧玉璧也肉倍好謂之璧肉謂外邊之質好謂孔子言質大而孔小居一倍也碧縹玉也

圓者曰珠不圓曰璣皆蚌之陰精也玫瑰美玉名也以美玉為璽璽汲餅也言既帶珠璧又服玫瑰之璽備衆寶也今俗人以雜寶為璽之屬帶於嬰兒頸下此古之舊事歟春秋左氏傳所云鞶鑑及瑤璽皆其類也或曰珠之尤精者曰玫瑰

玉玦環佩靡從容

肉好若一謂之環言孔其質廣狹豐殺正齊也半環謂之玦衡璜琚瑀畢之佩靡者順美之稱也從容言行止有節度者也

射魃辟邪除羣凶

射魃辟邪皆神獸名也魃小兒鬼也射言能射去魃鬼辟邪言能辟禦妖邪也謂以寶

玉之類二獸之狀以佩帶之用除去凶災而保衛其身也一曰射魃謂大剛邪也以金玉及桃木刻而為之一名殺改其上有銘而旁穿孔系以綵絲用係臂焉亦所以逐精魅也

竽瑟空侯琴筑箏

竽笙類也列管欬中施簧管端官管在中央三十六簧瑟庖犧氏所作也長七尺二寸二寸七弦今則二十四大瑟謂之灑長八尺一寸廣尺八寸者也空侯馬上所彈也一名坎侯琴神農所作也長三尺六寸六分五弦曰宮商角徵羽周文王增二弦曰少宮少商大琴謂之離二十七弦者也筑形如小瑟而細頸以竹擊之箏亦瑟類也本十二弦今則十三

鐘磬鞀簫鞀鼓鳴

鐘則以金磬則以石皆所用合樂也古者倭作鐘母句作磬大鐘謂之庸中者謂之剽小者謂之棧大磬謂之鞀鞀貫把鼓也搖而鳴之大者謂之麻小者謂之料簫一名籟編管而列之參差象鳳翼也大者二尺四寸謂之管長一尺四寸謂之言小者十六管長尺二寸謂之筴鞀騎鼓也其形似鞀而庫薄鼓之言郭也張郭皮革而為之也大者謂之鼓小者謂之應

五音摠會歌謳聲

五音宮商角徵羽也聲成文謂之音會謂金石絲竹匏土革木總合之也長言謂之歌齊

歌謂之謳

倡優俳咲觀倚庭

倡樂人也優戲人也俳謂優之褻狎者也咲謂動作云為皆可咲也倚立也觀倚庭者言人來觀倡優皆倚立於庭中也倚字或作伎謂觀俳倡之伎於庭中也

侍酒行觴宿昔醒

侍酒謂侍坐而飲酒也行觴傳觴也一曰侍酒佐酒也行觴使佐酒者行觴也昔夜也病酒曰醒經宿飲酒故致醒也

厨宰切割給使令

厨庖屋也宰主烹飪者齋牒曰切
胖解曰割給供也主供此使役也

薪炭萑葦炊孰生

取木而然之曰薪木之已燒者曰炭藪為萑
謂荻也其新生者曰葦葦謂蘆也二者
亦薪之類可然燎也炊孰生
者謂丞煮生物使之爛孰也

臄臄炙截各有形

臄麤切生肉也臄細切生肉也亦或以魚炙
謂炙之於火上也截大臄也各有形言別異
不同也

酸醎酢淡辨濁清

言飲食衆品滋味各別清濁異
宜也大酸謂之酢平薄謂之淡

肌膈脯腊魚臭腥

肌肉也肉表皮裏曰膈膈而乾者謂
之脯全骨全乾謂之腊腥者魚之臭

酤酒釀醪稽極程

買酒曰酤醞之曰釀汁滓酒曰醪稽分也極
盡也言所飲之酒或酤或釀皆欲作經分也然
後成熟極盡功程乃為善也古者儀狄作
酒醪禹嘗而美遂疏儀狄康又作秣酒

棊局博戲相易輕

棊局謂彈棊圍棊之局也博亦局戲也十二
棊六箸古者烏曹作博凡人相與為棊博之

戲者因有爭心則言辭輕侮
失於敬讓故云相易輕也

冠幘篸簀結髮紐

冠者冕之摠名備首飾也幘者韜髮之中所
以幘髮也常在冠下或但單著之冠幘非
一稱也簀一名笄簀即步搖也結髮謂作
結也紐謂結之鬢也凡結之可解者曰紐

頭頤頰頰眉目耳

頭者首之摠名也頤頰也頰鼻莖也頰兩頰
之權也眉在目上之毛也目眼也耳主聽者
也

鼻口脣舌斷牙齒

鼻所以引氣也口所以言食也脣口端也舌
主知味又所以言也斷齒根肉也牡齒曰牙
齒者摠謂口中之
骨主齧齧者也

頰頤頰頰項肩臂肘

面兩旁曰頰下頤曰頤頰頰也項謂頸
後頭下也肩膊也臂手上也肘臂曲節也

捲腕節爪拇指手

捲謂掌握也腕手臂之節也節衆指之節也
爪指甲也拇大指也一名特指指摠謂衆指
也及掌
謂之手

腫臑胷脇喉咽髑

也 脾夾脊肉也 腴腹下肥也 膺膺上 也 脅肋旁也 喉即喉龍咽所以 吞咽物也 髑肩前也

腸胃腹肝肺心主

腸大 小腸也 胃穀府也 腹者 肚之總名 謂之 腹者 取厚為義也 肝木 藏也 肺金 藏也 心火 藏也 主者 言心 最在 中央 為諸藏之所主

脾腎五藏膈齊乳

脾土 藏也 腎水 藏也 五藏 揔謂 肝 肺 心 脾 腎 也 膈 齊 即 毗 齊 也 乳

尻髑脊脊脊脊

尻 肱 也 髑 髑 髑 也 脊 夾 脊 內 肉 也 呂 脊 骨 也

股腳膝膕脛為柱

股 髀 肉 也 腳 足 也 膝 脛 頭 節 也 髑 膝 蓋 也 脛 胫 骨 也 為 柱 者 言 在 髑 髑 之 下 揔 載 衆 支 如 屋 之 有 柱 也

躄蹠跟踵相近聚

躄 腓 腸 也 字 或 作 腓 其 音 亦 同 蹠 足 之 內 外 蹠 也 足 後 曰 跟 亦 謂 之 踵 跟 猶 根 也 下 著 於 地 如 木 根 也 踵 者 鍾 也 上 體 任 之 力 所 鍾 聚 也 相 近 聚 者 躄 蹠 及 跟 踵 不 離 也

矛鋌鑲盾刃刀鉤

矛 酋 矛 也 長 二 丈 鋌 鉄 把 小 矛 也 江 淮 吳 越 或 謂 之 鉤 鑲 者 亦 刀 劍 之 類 其 刃 却 偃 而 外

榱即椽也亦名為榱榱榱柱上之枿也自陝以西呼之為榱瓦屋以瓦覆屋也梁屋上梁也一

泥塗堊墍壁垣墻

泥塗作泥以塗飾之及塞隙穴也垣堊白土也堊仰塗也壁辟也辟禦風雨也垣援也人所依阻以為援衛也牆郭也所以自障蔽也

榦楨板栽度園方

榦楨築牆之植木謂豎立者也板牆板也栽築牆也度園方者量計所宜先立基址然後築也詩曰縮版以載

塹壘倉廩庫東箱

塹者抑泥土為之令其堅激也塹壘累塹而為障蔽也一曰壘軍壁也倉芻粟所居也廩生馬所聚也庫兵車所藏也東箱東序之屋也

屏廁清溷糞土壤

屏僻宴之名也廁之言側也亦謂僻側也清言其處特異餘所常當加潔清也溷者目其穢濁也屏廁清溷其實一耳柔土曰壤言屏廁之地以糞穢則其土為壤也

碓磴扇墮春籟揚

碓所以舂也磴所以礮也亦謂之礮古者雍父作春魯班作磴扇墮車也墮扇車之道也

墮字或作隨隨之言墜也言既崩之且令墜下也春則簸之揚之所以除穰粃也揚字或作颺音義同

頃町畝畦埒埒封

田百畝為頃平地為町一曰町治田處也周制百步為畝自漢以來二百四十步為畝田邊謂之界田區謂之畦今之種稻及菜為畦者取名於此一說謂庫垣也今之圃或為短道也一說謂庫垣也今之圃或為短埒埒之謂也封謂聚土以為田之分界也

疆畔畷伯耒犁鋤

疆比田之界也畔分半田之際也畷兩伯間豎道也耒手耕曲木也古者使耒今之曲把

耒鋤其遺象也犁亦耕具也犁之言利則發土而絕草根也鋤之言助也助苗去穢也

種樹收斂賦稅租

種藝也樹殖也春夏種殖秋冬收斂農之常業也斂財曰賦斂穀曰稅田稅曰租皆所以供公家之用也

捃穫秉把插捌杷

拾遺曰捃刈取曰穫捃字或作攬音義皆同一束曰秉一把曰杷插者擔也兩頭鐵銳所以插刺禾束而擔之也無齒為捌有齒為杷皆所以推引聚禾穀也或曰插者鑿也此說失之鑿自有車名今此方說收斂之具無涉金錢非鑿車之車也

一把爾雅曰羶如羊即謂此也羶羊未卒歲也
一曰夷羊重百斤者為羶羶羊之牡也
夏羊之牡也

六畜蕃息豚豕豬

六畜牛馬羊豕鷄犬人所畜養者也蕃滋也
息生也豚謂豕之始生者也豕者彘之摠名
也豕之三毛聚者曰豬而春秋左氏傳曰
既定爾婁豬爾雅曰豕子豬然則亦其通稱
也豕之絕有力者
曰豕其牝曰豕

豨獫狁犬野雞雛

豨壯豕也獫狁豕亦謂之獫狁犬匈奴中大
犬也鉅口赤身一曰狁少犬也謂狗之有懸

蹄者也野雞生在山野鷓鴣雞天雞山雞
之類皆是也凡鳥子生而啄食者皆曰雛

犛牝特牯羔犢駒

犛三歲牛也牝二歲牛也一曰長脊之牛也
牯劇牛也特羊子曰羔牛子曰犢馬子曰駒

雄雌牝牡相隨趨

飛曰雄雌走曰牝牡詩云雄狐綏綏
書稱牝雞無晨亦互言之無所滯也

糟糠汁滓藁莖芻

糟酒粕也糠米皮也亦謂之蠱汁滓也滓澱
也藁禾稈也莖細斫藁也芻刈生草也字本
作芻音義同言此皆
所以飼牛馬羊豕也

鳶鵠梟驚相視

鳶即今俗所呼老鵠者也鵠者亦因鳴聲以為名也其為鳥也知來作巢則避太歲上已言鳶下又言鵠者謂鵠鵠茅鵠在鵠之屬非止一也梟土梟也驚相視者叙其衆多雜居也

豹狐距虛豺犀兕

豹似鳥塗而圜文狐妖獸也鬼所乘距虛即蛩蛩也似馬而有青色一曰距虛似羸而小豺深毛而狗足犀黑色似水牛而豬頭大鼻庫脚脚有三蹄其碩頤及鼻凡有三角亦有一角者善食棘刺兕似野牛而色青重千斤一角角甚大

狸兔飛鼯狼麋麇

狸一名豕亦謂之貍江淮陳楚謂之為豕其子隸兔其子曰鼯絕有力者欣飛鼯一名飛蠅又曰鼯鼠亦曰夷由即今俗呼飛生者也狼似青狗走則健顧其牡者曰羆牝者曰狼其子曰微絕有力者曰迅麋似鹿而大冬至則解角目上有眉因以為名也其牡者曰麇牝者曰麇其子曰麇其子曰麇絕有力者曰伏麇

麋麇麇鹿皮給獲

麋即今之麇也牡者曰麇牝者曰麇其子曰麇麇絕有力者曰豨麇似鹿尾大而一角談說者飾其尾而執之以為儀麇似大鹿一角而牛尾鹿牡者曰麇牝者曰麇其子曰麇麇絕有力

者曰麋皮可以用
給養馬之用也

寒氣泄注腹臚脹

寒氣中寒冷之氣也泄利也言水穀漏泄也
注者注易之病一人死一人復得氣相灌注也
也腹前曰臚脹謂腹鼓
脹也一日臚皮也

痴疔疥癩癡龍耳盲

痴創上甲也疔謂薄者也疥小蟲攻齧皮膚
灌錯如鱗介也癩惡疾也癡不慧也耳不聞
聲曰聾目不見色為盲也

癰疽癰癢癩痺瘰

癰之言壅也氣壅否結裏腫而潰也癰之久
者曰疽癰癢小兒之疾即今癩病也癩不能
行也痺風溼不仁也一日痿偏枯也瘰四
體強急難用屈申也字或作疔音義並同

疝瘕顛疾狂失響

疝腹中氣疾上下引也瘕瘕也顛疾性理顛
倒失常亦謂之狂猶妄動作也失響者失音
不能言也

瘧瘵瘵痛瘵温病

瘧寒熱休作之病言其酷虐也瘵者氣從下
起上行又心脇也瘵積血之病也痛摠謂諸
痛也瘵者無名之病常漠漠然也一日
齊人謂瘵病曰瘵温病病於温氣者也

消渴歐逆欬瀉讓

消渴者引飲不止也嘔逆吐而不下食也欬嗽也瀉煩悶也讓大便節益積而利也

癩熱癩痔眇叢眼

癩熱黃病也癩久創也痔蟲食後之病也眇謂眇觀目之蔽垢也叢目皆傷赤也眼目視

也

篤癘瘰癧迎醫匠

篤重病也癘疲病也瘰癧損耗也癩四支不收醫匠療病之工也古者巫彭初作醫

灸刺和藥逐去邪

灸以火艾灼病也刺以箴刺之也和藥合和衆藥也草木金石鳥獸蟲魚之類堪愈疾者

摠名為藥凡人正氣不足則邪氣入體而病生焉故叙攻病云逐去邪也

黃芩伏苓礬苾胡

黃芩一名空腸一名腐腸一名內虛一名如婦伏苓一名茯苓生大松樹下蓋松脂所化作也礬礬石也一名青分一名制石又名澤乳亦曰食鹽苾胡一名地薰一名山菜

牡蒙甘草菀藜蘆

牡蒙一名黃昏甘草一名蜜草一名落一名藜一名大苦菀謂紫菀女菀之屬也藜蘆一名葱葵一名山葱

烏喙附子椒茺華

烏喙形似烏之喙也附子附大根而旁出也此與烏頭側子天雄本同一種但以年歲遠近為殊株之有異功用亦別說者云一歲為側子二歲為烏喙三歲為附子四歲為烏頭五歲為天雄椒謂秦椒及蜀椒也椒之大實者名檄茺華一名魚毒魚者糞之以投水中魚則死而浮出故以為名其根曰蜀桑其華可以為藥茺字或作杞爾雅曰杞魚毒郭景純解云大木生南方皮厚汁赤堪藏卵果此說誤耳其生南方用藏卵果者自別一杞木乃左思吳都賦所云縣杞杞櫪者耳非毒魚之杞也

半夏阜茨艾橐吾

半夏五月苗始生居夏之半故為名也一名地文亦名守田阜茨樹一名雞栖艾一名冰臺一名醫草橐吾似欵冬而腹中有絲生陸地華黃色一名獸瀕

芎藭厚朴桂栝樓

芎藭一名胡藭一名香果其葉名蘼蕪厚朴一名厚皮一名赤朴凡木皮皆謂之朴此樹皮厚故以厚朴為名其樹亦名榛其子名逐析桂謂菌桂牡桂之屬百藥之長也栝樓一名果羸一名王瓜亦曰天瓜禮月令孟夏之月王瓜生鄭康成以為革挈非也

款東貝母薑狼牙

款東即款冬也亦曰款凍以其凌寒叩冰而生故為此名也生水中華紫赤色一名兔奚

亦曰顆東貝母一名蟲一名藥實一名茗華
一名勒母其根正白形頗似貝故呼貝母薑
謂生薑乾薑也狼牙一名
牙子一名狼齒又名犬牙

遠志續斷參土灰

遠志主益智惠而強志故以為名一名萸繞
一名棘莞其葉名小草亦目其細小也續斷
一名接骨即今所呼續骨木也又有草續斷
其葉細而紫色根亦入藥用參謂人參丹參
紫參玄參沙參苦參也
土灰一名菲一名芴

亭歷桔梗龜骨枯

亭歷一名丁歷一名葶一名狗薺桔梗一名
利如一名梗草龜骨謂龜甲也枯者言其已

死骨乾
枯也

雷矢藿菌蓋兔盧

雷矢即雷丸也又名雷實藿菌一名藿蘆生
東海池澤及渤海章武此藿蘆之地所生菌
也舊云是鶴矢所化故其為藥毒烈而去腹
中痼病焉蓋草治久效殺皮膚小蟲又可以
染黃而作金色兔盧即兔絲也色黃而細者
為兔絲一名兔縷一名唐一名蒙一名女蘿
一名玉女一名赤網麤而色淺者為兔盧
盧亦縷也一名兔纍纍者繩索之意也

卜問謹崇父母恐

言家有不安所以卜問及云鬼神謹責用
致禍崇故家長恐懼也以龜曰卜

祠祀社稷叢臘奉

祠者伺而祭之祀者祭無已也社地主也稷先農也故求福焉叢謂草木岑蔚之所因立神祠也戰國策曰恒思有神叢恒思之悍少年與叢傳史記曰吳廣之次所旁叢祠中夜篝火皆謂此叢也一日叢者合聚諸神而祭之也臘接也廣祭百神也奉謂供其粢盛牲特幣帛以事神也

謁禡塞禱鬼神寵

謁告請也禡道上之祭也塞報福也禱求助也言既請禱又報賽之故為鬼神所寵祐也

棺槨槨積遣送踊

言死亡者則為棺槨槨積以遣送之隱痛之極故擗踊也棺所以斂身槨所以斂棺也擗拊心也踊跳躍也孝經云擗踊哭泣哀以送之

喪弔悲哀面目腫

喪謂遭喪持喪也於字哭亡為器弔謂問終者也於字人持弓為弔上古葬者文之以薪無有棺槨常若禽鳥為害故弔問者持弓會之以助彈射也

哭泣祭醮墳墓冢

醮謂連續之祭也墳封土而高之也大防曰墳故取以為名也墓墳穴也謂之墓者言其幽暗常昏暮也墳之高者為冢冢言其象山頂也爾雅曰山頂冢

諸物盡訖五官出

言已說諸物次至五官也古言五官者摠舉衆職以配五行無所不苞事起五鳩五雉看今言百官也禮記曰天子之五官曰司徒司馬司空司士司寇典司五衆也

宦學諷詩孝經論

宦仕也言欲仕學者必當先諷讀詩及孝經論語也詩孔子所刪為三百篇者也孝經孔子為弟子曾參所說也論語孔子與弟子言及應對時人之語也詩字或作誦

春秋尚書律令文

春秋孔子約史記而修之也天有四時春為陽中萬物以生秋為陰中萬物以成故錯于

舉之苞十二月而為名也尚書孔子所修帝王之書也謂之尚書者言自上古以來其事久遠也律之言率也制法以率下也述也具述刑名也令命為政也言宦學之人又當皆習讀此等也

治禮掌故砥厲身

治禮贊禮儀者也掌故主故事者也皆屬太常言始為此職尚末高顯宜謹訪其身敦修學行也云砥厲者蓋譬諸金鐵磨利之也細石曰砥黑石曰厲

智能通達多見聞

名顯絕殊異等倫

以自砥厲
故得然也

抽擢推舉白黑分

賢者升擢不肖黜退
是為白黑有分別也

迹行上究為貴人

迹行行之迹也上究聞於天子也究意也言
終始昭著曾無玷缺則簡在帝心為貴臣矣

丞相御史郎中君

此即貴人之位也丞承也相助也言上承天
子而佐助之也御史御史大夫也職副丞相
郎中郎中令也掌宮殿門戶及從官並秦所
置而漢因之君褒尊大官之名也

進近公卿傳僕勲

公卿之被引進而親近天子者有此傳僕勲
傳太傅也傳天子以德義僕太僕也主為天子御
車馬勲光祿勲也漢武
帝改郎中令為光祿勲

前後常侍諸將軍

在天子之前後即導從者則
有常侍之官及諸將軍也

列侯封邑有土臣

列侯第二十爵也邑所食之邑言封為列
侯者既獲邑之土地又得因有家臣也

積學所致非鬼神

言饗此爵祿皆由勤學即可致之非
別有鬼神之力此所以深勸學儆也

馮翊京兆執治民

自此以下汎論職務也漢武帝始分京師為
三輔京師為京兆左則為馮翊右則為扶風
京兆言高而有衆也絕高曰京十億曰兆一
曰京大也馮翊言輔贊政教也馮翊也翊贊
也扶風者言
扶助風化也

廉絜平端撫順親

姦邪並塞皆理訓

變化迷惑別故新

下有愚迷之人則能化喻使其
變改去故之非行今之是也

更卒歸誠自詣因

卒給使役者也更言其去來更代也詣候至
也因就也謂更卒之徒厭苦疲倦常多逃匿
為求脫免若逢善政則懷德感恩
來陳誠款自詣官寺就作役也

司農少府國之淵

司農領天下錢穀以供國之常用少府管池
澤之稅及關市之資以供天子少者小也府
者聚也財物所聚也非郊廟兵戎大用故謂
之少府司此二者百物在焉故以深泉為喻
也

遠取財物主平均

言遠方之輸賦稅者或以雜物充之價有貴賤儻與京師不等又當有轉送費用不欲勞擾故立平準均輸之官各就所在受納不損於私而官有利也

臯陶造獄法律存

臯陶舜臣名亦號庶堅命為士官始制囹圄法律備焉欲言刑罰之事故先陳之也獄之言埆也取其堅牢也字從二犬所以守備也

誅罰詐偽劫罪人

誅責也罰治也劫舉案之也詐偽則責治有罪則舉案

廷尉正監丞古先

廷尉掌刑獄之官秦所置也漢亦因之廷者也朝之處也尉者武官之號也兵獄同制故曰廷尉廷尉屬官有正有監言因承上古先代而置之

摠領煩亂決疑文

煩亂則領理疑議則詳決此獄官之職也

變鬪殺傷捕伍鄰

變鬪者為變難而相鬪也殺傷相傷及相殺也捕收掩也有犯變鬪傷殺者則同伍及鄰居之入皆被收掩也隣伍解已在前

亭長游徼共雜詠

亭長一亭之長主逐捕盜賊游徼鄉之游行徼循皆督察姦非者也雜猶參也詠驗視也
有被殺傷者則令亭長與游徼相參而詠驗之知其輕重曲直也秦漢之制十里一亭亭有高樓所以候望鄉番夫治之游徼即番夫之所統也

盜賊繫囚榜笞鬻

繫囚拘繫之也榜笞捶擊之也鬻睚也獲盜賊者則拘繫而捶擊其睚考問其狀也

朋黨謀敗相引牽

同謀之中一人事敗則牽引朋黨皆發露也

欺誣詰狀還反真

囚繫之徒或欺詐閉匿或誣寃良善既被考詰窮治由狀乃歸實也

坐生患害不足憐

干紀速辜人所同嫉者也

辭窮情得具獄堅

既窮其辭又得其情則鞠訊之吏具成其獄鍛練周密文致堅牢不可反動也

籍受證驗記問年

簿籍所受計其價直并顯證以定罪也記問年者具為書記抵其本屬問年齒也幼少老

耄料罪不同
故問年也

閭里鄉縣趣辟論

里門曰閭里者本其所居之里也里屬於鄉
鄉統於縣趣謂催速之也辟法也里鄉及縣
相催速使早報問則
依憲法而論決也

鬼薪白粲鉗鈇髡

此謂輕罰非重罪者也鬼薪主取薪柴以供
祭祀鬼神也白粲主擇米取精白粲粲然者
也以鐵錯頭曰鉗錯
是曰鈇髡髮曰髡

不肯謹慎自令然

已則招之
天誰咎也

輸屬詔作谿谷山

輸屬言配入其處也詔勅別有所輸作也一曰
詔書處罰令其輸作也山瀆無所通曰谿泉
出通川曰谷一曰水注川曰谿注
谿曰谷配於谿谷及山徒役之也

箠箠起居課後先

箠吹鞭也箠吹箠也起居謂晨起夜卧及休
食時也言督作之司吹鞭及竹箠為起居之
節度又校其程課先者免罰後者懲責也今
之伎倡欲相號令者則吹指為節蓋吹鞭之
遺事

斬伐材木斫株根

斫截也伐取也材謂木挺也斫裁曰株樹本曰根言徒役之人給此事也

犯禍事危置對曹

犯禍犯法而致禍也事危其事傾危也既被驗問則置立對辭於曹府也

謾訑首匿愁勿聊

謾訑巧黠不實也首匿為頭首而藏匿罪人也勿聊無聊賴也

縛束脫漏亡命流

命者名也既被縛束忽脫漏則亡其名籍而流送也

攻擊劫奪檻車膠

言強盜羣盜相與攻擊劫奪人者吏捕得之載以檻車又加膠漆取周密也檻者車如檻形義在幽閑防泄露也一曰膠者謂膠罪人之目使不得開絕變難也擊字或作剽剽亦劫也

番夫假佐扶致牢

番夫鄉之有秩者也假佐縣之假吏也扶致牢者扶持罪人而致之於牢獄也一曰假佐者番夫之權佐也謂之牢者言若秦豕之牢亦取其堅牢也

疾疢保辜讒呼號

歐人皮膚腫起曰痲。歐傷曰痲。保辜者各隨其狀輕重。令歐者以日數保之。限內致死則坐重辜也。號呼號者被歐之人。稱痛酷也。號或作猓音義同。

乏興猥逮訶護求

律有乏興之法。謂官有所興發而輒稽留闕。乏其事也。猥盛多也。逮傳捕也。猥逮者矯為官府多有逮捕也。訶謂知處密告之也。護隱語也。謂偵伺官府利害隱密其事有所追求也。一曰乏興之人棄家逃匿。故官司逮捕訶護而求也。

輒覺沒入檄報留

檄者以木為書。長二尺。報者處當罪人也。言有乏興猥逮及訶護者。其事發覺。身則沒入。

為奴婢或沒其家財。則為檄書處當其罪而留之也。

受賕枉法忿怒佐

以財求事曰賕。言受人財者枉曲正法。忿怒良直。及為仇讎也。

讒諛爭語相舐觸

讒相譖也。諛諂言也。爭語謂各持辯說也。有爭語者常相舐距而擊觸也。一曰爭語謂交相譖也。

憂念緩急悍勇獨

言無賴之人不自修整。以陷罪惡。臨機迫猝更生邪計。妄為凶悍。當窘厄也。

迺肯省察諷諫讀

迺肯猶言寧肯謂不肯也平居之時既無立操之方又違從善之義有諷諫者不肯省察而習讀之所以遂成過惡以至喪敗也一曰危急之後方自省躬而讀諷諫思改過也

涇水注渭街術曲

此說京畿之內也涇水出安定汧頭山至陽陵而入渭四達之道曰街邑中之道曰術里中之道曰曲

筆研籌算膏火燭

此記官府之中給長史以下之具也筆所以書也一名不律亦謂之聿研所以研墨也籌

所以付與算所以計度皆以竹為之膏火為燈炬蜜燭

賴赦解貶秩祿

此說在官有罪幸逢赦令及人救解得免重罰降其秩次而損其祿也

邯鄲河間沛巴蜀

此略說諸郡名也邯鄲趙國所都也河間言在兩河之間也沛者本秦泗水郡屬縣也漢興更為沛郡巴郡也蜀郡也

潁川臨淮集課錄

潁川因潁水為名也臨淮居淮水之旁也集課錄者諸郡各上其計摠會京師次其名錄

依溷汙染貪者辱

此戒守宰以下也依近也溷廁也言近溷廁者則被汙染貪賄賂者必致戮辱以財物比於糞穢為害染人也

漢地廣大無不容盛

此為終篇述帝德也容盛猶言覆載也

萬方來朝臣妾使令

威靈所被無思不服

邊境無事中國安寧

遐邇通謚清兵革靡用也境字或作竟古文通也

百姓承德陰陽和平

至誠感神上玄降祉也

風雨時節莫不滋榮

仁及草木皆茂暢也

灾蝗不起五穀孰成

每獲豐年倉廩實也天反時為灾蟲食苗曰蝗五穀者黍稷麻菽麥也

賢聖並進博士先生

野無隱逸皆升朝也博士者多聞之士先生謂老成之人也

長樂無極老復丁

擊壤行歌喜寬政也老復丁者家有高年則蠲其子孫免賦役也

嘉慶五年假為拜經樓免床丈所歲以宋

槧本晴窓校畢命兒輩抄存世刊刻流

傳計下 閏四月吳縣孫衡手校並記

